

# ЯНГИ ЎЗБЕКИСТОН

Ижтимоий-сиёсий газета

№ 84 (84), 2020 йил 15 май, жума

www.yuz.uz yuz.uznews yuz\_official yuz.uz\_news



## 15 май — Халқаро оила кун

### ОИЛА — ЖАМИЯТНИНГ ГАВҲАРИ, ТАЯНЧ УСТУНИ

Раҳмат МАМАТОВ, Ўзбекистон Республикаси маҳалла ва оилани қўллаб-қувватлаш вазири

Оила давлат ва жамиятнинг ажралмас бўғини, соғлом ва баркамол авлодни камолга етказувчи муқаддас маскандир. Шу боис, азал-азалдан ота-боболаримиз бу табаррук масканны кўз қорачиғидек асраб, оилавий қадриятларимиз бардавом бўлиши учун қатъий курашган. Бугун шиддат билан ўзгариб бораётган глобаллашув даврида асрлар оша боқий яшаб келаётган ушбу барҳаёт анъаналарни асл ҳолича асраш ва келажак авлодларга етказиш ҳар қачонгидан ҳам долзарблик касб этмоқда.



Музаффар Абдулпайев оилани сурат.

Айтиш кераки, мамлакатимизда оила институтини мустаҳкамлаш, хотин-қизларнинг ҳуқуқларини ҳимоялаш, оилада, жамият ҳаётида иштирокини кенгайтириш, оилада соғлом фарзандларни камолга етказишга йўналтирилган қарийб 150 га яқин ҳуқуқий хужжатлар қабул қилинган. Уларда белгиланган вазифалар изчил ижро этилиши натижасида оилаларда маънавий-маърифий, ижтимоий-иқтисодий муҳитни яхшилаш, аҳолининг турмуш фаровонлигини оширишга эришилмоқда.

Президентимизнинг 2020 йил 18 февралда қабул қилинган "Жамиятда ижтимоий-маънавий муҳитни соғломлаштириш, маҳалла институтини янада қўллаб-қувватлаш ҳамда оила ва хотин-қизлар билан ишлаш тизимини янги даражага олиб чиқиш чора-тадбирлари тўғрисида"ги фармонда маҳаллаларда тинчлик-тотувлик муҳитини таъминлаш, оила институтини тақомиллаштириш, хотин-қизларнинг ижтимоий фаолигини қўллаб-қувватлаш, "Обод ва хавфсиз маҳалла" тамойилини, "Соғлом оила — соғлом авлод" госяни ҳаётга кенг татбиқ этиш, ижтимоий кўмакка муҳтож оилаларни ҳар томонлама қўллаб-қувватлаш, бўйича муҳим вазифалар белгиланди. Мазкур фармон билан Маҳалла ва оилани қўллаб-қувватлаш вазирлиги ташкил этилиб, айни пайтда белгиланган чора-тадбирларни амалга ошириш юзасидан кенг қамровли ишлар олиб берилмоқда.

Шу йилнинг ўтган даври мобайнида вазирлик томонидан 368 381 та эҳтиёжманд оилани ижтимоий қўллаб-қувватлаш мақсадида 51,6 миллиард сўмлик моддий ёрдам кўрсатилди. Оғир турмуш шароитига тушиб қолган хотин-қизларга уй-жой сотиб олиш учун 8 миллиард 666 миллион сўмлик бошланғич бадал маблағлари тўлаб берилди.

Аёлларнинг бандлигини таъминлаш мақсадида тизимли ишлар амалга оширилди. Бунинг натижасида ўттиз етти минг нафардан зиёд хотин-қиз ҳақ тўланадиган жамоат юмшларига, хунармандчилик, оилавий тадбиркорлик, томорқа ва бошқа йўналишлардаги тадбиркорлик ишларига жалб этилди. Қўллаб-қўватлаш имконияти чекланган оилаларга томорқачиликни ривожлантириш, иссиқхоналарида турли маҳсулотлар етиштиришда амалий ёрдам кўрсатилди.

Глобал пандемияга қарши қизгин кураш кетаётган бугунги кунларда оилаларни ижтимоий ҳимоялаш янада долзарб вазифага айланди. Вазирлик ҳузурида ташкил этилган Ҳомийлик хайрияларини мувофиқлаштириш марказлари томонидан ҳомийлик маҳсулотлари эҳтиёжманд оилаларга етказиб берилмоқда. Бугунги кунга қадар 385 699 та оиллага зарур ижтимоий ёрдам кўрсатилди. Шунингдек, 777 та эҳтиёжманд оиллага 160 млн. 712 минг сўм науд пул кўринишида моддий ёрдам берилди.

Олис ва бориш қийин бўлган ҳудудларда кўчма дўконлар ташкил этилмоқда ҳамда у ердаги фуқароларимиз ҳам зарурий озқ-овқат маҳсулотлари билан таъминланаётган.

"Маҳалла" хайрия жамоат фонди республика бошқаруви, фондинг ҳудудий бўлиналари ҳузурида ташкил этилган "Саховат ва кўмак" жағмармаси орқали ҳозирги кунга қадар халқ депутатлари кенгашлари ва ҳокимликлар қарори билан тасдиқланган рўйхат асосида юртимиздаги 163 546 та оиллага 36 млрд. 32 млн. 275 минг сўмлик ижтимоий ёрдам кўрсатилди. Албатта, бу ишлар оилаларда иқтисодий-ижтимоий муҳитни яхшилашда ўз самараларини берапти.

Шу билан бирга, оилавий қадриятларимизга раҳна солаётган муаммолар ҳам йўқ эмас. Бу ҳолатни кейинги йиллардаги оилавий ажримлар мисолида ҳам кўришимиз мумкин. Биргина 2020 йилнинг шу вақтига қадар республикамиз бўйича 7 880 та ажралиш рўйхатга олинган. Бу ажралишларнинг қайд этилган никоҳга нисбатан коэффициенти 15,8 фоизга тенг эканини, оддийроқ айтганда, янги турмуш кураётган 100 та оиладан қарийб 16 тасининг тақдир ажралиш билан яқун топаётгани ачинарлидир. Ажралишларнинг асосий сабаби сифатида оилавий келишмовчилик, фарзандсизлик, узоқ вақт бирга оила бўлиб яшамаслик, миграция, ўзаро хиёнат ва бошқа ҳолатлардир.

Давони 2-бетда

## Фуқаролик жамияти

### ЖАМОАТЧИЛИК ПАЛАТАСИ Фуқароларнинг ҳуқуқлари ва қонуний манфаатларига хизмат қилади

Рустам НОРИЕВ, Фуқаролик жамиятини ривожлантириш маркази Сурхондарё ҳудудий бўлини маси раҳбари

Жамият ҳаётидаги энг долзарб, фуқароларни ташвишга солаётган муаммоларни ҳал этишда жамоатчилик назорати муҳим ўрин тутди. Қолаверса, жамиятда жамоатчилик назоратининг мавжудлиги демократик ҳуқуқий давлат ва фуқаролик жамияти тараққиётининг муҳим шартидир.

Мамлакатимизда демократик ислохотларни чуқурлаштириш ва мамлакатни модернизация қилишда нодавлат нотижорат ташкилотлар, оммавий ахборот воситалари фаолиятини ривожлантириш, умуман, фуқаролик жамияти институтларининг жамият ҳаётидаги ролини кучайтириш борасида изчил, тизимли ишлар амалга оширилмоқда. Бу давлатимиз раҳбарининг Олий Мажлиси

Мурожаатномасида ҳам ўз ифодасини топди. Унда "мамлакатимизнинг ижтимоий-иқтисодий ҳаётига оид ва жамоатчиликда алоҳида қизиқиш уйғотадиган ўта муҳим масалаларга доир қарорларни қабул қилишда жамоатчилик билан маслаҳатлар, жамоатчилик эшитувларини ўтказиш мажбурийлигини аниқ белгилаб бериш" муҳимлиги таъкидланиб, Жамоатчилик палатасини ташкил этиш тақлифи берилди.

Мазкур фармон билан мамлакатимизда Жамоатчилик палатаси институтига ҳуқуқий мақом берилиши билан, энг аввало, жамоатчилик назорати орқали жамиятда барқарорлини таъминлаш имконияти яратилди. Чунки Жамоатчилик палатаси ўз фаолиятида, биринчидан, фуқароларнинг қизиқишлари, интилишлари, эҳтиёж ва манфаатларини ҳимоя қилади.

Давони 2-бетда

## Прокуратура органларида

### ИННОВАЦИОН ТЕХНОЛОГИЯЛАР ТАЪЛИМ ТИЗИМИГА КЕНГ ЖОРИЙ ЭТИЛМОҚДА

Евгений КОЛЕНКО, Бош прокуратура академияси бошлиғи

Замонавий талабларга жавоб бера оладиган, прокуратура органлари олдида қўйилган муҳим вазифаларни самарали бажаришга қодир, бахлимли, салоҳиятли, касбига садоқатли кадрларни тайёрлаш ва уларнинг малакасини мунтазам ошириб боришни даврнинг ўзи тақозо этмоқда.

Президентимизнинг 2018 йил 8 майда қабул қилинган "Прокуратура органлари кадрларини тайёрлаш, қайта тайёрлаш ва уларнинг малакасини ошириш тизимини тубдан тақомиллаштириш чора-тадбирлари тўғрисида"ги фармони бу борадаги ишларни замонавий андозалар асосида ташкил этишда муҳим асос бўлди. Ушбу фармонга мувофиқ, Ўзбекистон Республикаси Бош прокуратураси академияси ташкил этилиши бу борада ўз ечимини кутаётган долзарб вазифалар ижросини таъминлашга хизмат қилмоқда.

Академия ташкил топганидан сўнг академик таълим ва амалиёт ўртасидаги мавжуд бўшлиқларни тўлдириш, прокуратура органларини прокурор-тергов фаолиятининг турли йўналишлари бўйича зарур қўнимка ва компетенцияларга эга бўлган кадрлар билан таъминлаш, прокуратура органларида лавозимларни эгаллашга номзодларни касбий қайта тайёрлашнинг мутлақо янги модели яратилди. Уқитишнинг эски, сийқаси чиққан шакл ва усуллари тубдан қайта қўриб чиқилиб, фан, таълим ва амалиётнинг чуқур ўзаро алоқаси ва алмашинувига асосланган илгор инновацион таълим технологиялари жорий этилди.

Давони 2-бетда

## ШАВКАТ МИРЗИЁЕВ: ЭПИДЕМИОЛОГИК ВАЗИЯТ ЖИЛОВИНИ МАҲКАМ УШЛАГАН ҲОЛДА КАРАНТИН ТАЛАБЛАРИНИ ЮМШАТИШНИ ДАВОМ ЭТТИРАМИЗ

**Ўзбекистон Республикаси Президенти Шавкат Мирзиёев раислигида 13 май кун**  
**МАМЛАКАТИМИЗДА КАРАНТИН ТАЛАБЛАРИНИ ҲУШЁРЛИКНИ ОШИРГАН ҲОЛДА ЯНАДА ЮМШАТИШ, ИҚТИСОДИЁТ ТАРМОҚЛАРИНИ БОСҚИЧМА-БОСҚИЧ ИШЛАТИШ, АҲОЛИ БАНДЛИГИ ВА ДАРОМАДЛАРИНИ ОШИРИШ ЧОРА-ТАДБИРЛАРИ ЮЗАСИДАН ВИДЕОСЕЛЕКТОР ЙИГИЛИШИ ЎТҚАЗИЛДИ.**

**1**

Кичик бизнес ва фермер хўжалиқларига ижтимоий солиқ ставкаси май-июль ойларида **12 фоиздан 1 фоизга туширилади.** Бунинг натижасида **260 мингдан зиёд корхона** ва фермер хўжалиқлари жами **650 миллиард сўм маблағларни тежасан ҳолда,** уларни сармоси ва **АЙЛАНМА МАБЛАҒ СИФАТИДА ИШЛАТИШ** ИМКОНИГА ЭГА БУЛАДИ.

**2**

Кичик бизнес вакиллари, яқка тартибдаги тадбиркорлар келгуси уч ой давомида **ЕР ВА МОЛ-МУЛК СОЛИГИДАН ОЗОД ЭТИЛАДИ.** Бунинг ҳисобига **50 мингдан ортиқ тадбиркор 300 миллиард сўмни тежайди** ва уларнинг айланма маблағи кўпаяди. Шунингдек, аввалги қарорга асосан, апрель-май ойларида **1 мингдан зиёд тадбиркорнинг** ер ва мол-мулк солиқлари ва пенялари бўйича кечиктирилган **80 МИЛЛАРД СЎМ** ТУЛОВЛАРИ **КЕЧИБ ЮБОРИЛАДИ.**

**3**

Тадбиркорларга божхона тўловларини **120 КУНГАЧА КЕЧИКТИРИБ ТУЛАШГА РУХСАТ БЕРИЛАДИ.** Бу уларга жами **540 миллиард сўмни тежасан** ҳамда ушбу маблағларни ўз бизнесини ривожлантиришга йўналтириш имконини беради.

**4**

Эҳтиёжманд оилаларни янада қўллаб-қувватлаш мақсадида нафақа олувчи оилалар сони қўшимча **70 мингга ёки 10 фоизга** қўпайтирилиб, **БЮДЖЕТДАН ЯНА 200 МИЛЛАРД СЎМ АЖРАТИЛАДИ.**

**5**

Илгари ставкаси **22 фоизгача** бўлган инвестиция кредитлари бўйича **фоизлар қисман давлат томонидан қўллаб берилган бўлса,** энди ставкаси **26 ФОИЗГАЧА БЎЛГАН КРЕДИТЛАРИНИҒ** **ФОИЗЛАРИ ҲАМ ҚИСМАН ҚўЛЛАБ БЕРИЛАДИ.** Шунингдек, тадбиркорларга айланма маблағларини тўлдириш учун **500 миллиард сўмгача (илгари 10 миллиард сўмгача)** берилган **КРЕДИТЛАР БЎЙИЧА КОМПЕНСАЦИЯ** **МИҚДОРИ 5 ФОИЗДАН 10 ФОИЗГА ОШИРИЛАДИ.**

**6**

Андижон, Наманган ва Фарғона вилоятларида жорий қилинган аҳолига яқка тартибда уй-жой куриши ва таъмирлаш учун кредит бериш тажрибаси Тошкент шаҳрида ҳам татбиқ этилади. Шу орқали **ПОЙТАХТДА ҚАРИЙБ 10 МИНГТА МАВСУМИЙ ИШ УРИНЛАРИ ЯРАТИЛАДИ.**

**7**

Маҳаллий корхоналарнинг маҳсулотига нисбатан ички талабни ошириш ва шу орқали уларни қўллаб-қувватлаш мақсадида давлат ташкилотларига III-IV чоракдаги харидларини II чоракда амалга ошириш ҳуқуқи берилади. Умуман, иқтисодий ва фуқароларни янада қўллаб-қувватлаш учун бюджетдан қўшимча **2 ТРИЛЛИОН СЎМДАН ОРТИҚ МАБЛАҒ** ЙўНАЛТИРИЛАДИ.









